

治

一痘未起頂但脚漸潤至七八日乾枯瘡皮皺起  
誤認結痂收靨者多不可救急與補血解毒之  
劑庶可回生

一灌膿時眉心鼻準耳輪唇口及兩頰先有焦枯  
黑靨者以名倒陷不治

收靨三朝証治活法

凡收靨自上而下者順自下而上者逆

痘至收靨大勢已定亦有膿不滿足似靨而非真

靨者以時極宜明辯若七日之間面目腫惟覺  
退痘雖似乾而痂薄如帛或有內症未除以痘  
極險時也失治則凶變立至急以補血涼解之  
劑庶或轉移

一痘至十日血盡毒解其膿漸乾如蒼蠅色或如  
葡萄色從口鼻兩傍或面部收起至胸腹而下  
然後頷上與脚背一齊結靨逐漸剝落內症全  
無身漸輕快飲食二便如常者吉或手足心或  
手指尖或陰上先收者俱吉



一人中者任督二脉交會之衢也凡痘自初出至收靨俱要在此部位先見者佳謂陰陽和暢也一痘收靨自人中平分上下髮際以上陽中之陽也謂之孤陽足膝以下陰中之陰也謂之孤陰孤陽寡陰所以痘瘡之收至此二處每遲留而後靨也不必施治

一鼻梁上痘先焦者任是凶逆亦不死

一痘當靨而流漿不已者因表散太過則斑爛流水或飲水多則漂蕩流水俱服保元湯加防風

白芷白朮或除濕湯外以敗草散敷之

一當靨不靨而膿充足服回漿散或象牙散

一痘有靨至頭或至腰而下身數日不靨者此乃熱毒太盛不能收靨故也治當有熱則清之若小便不利者四苓散加苓連滑石木通大便秘結者當歸解毒湯利之

一痘當靨不靨忽然變動灰白頂陷吐瀉腹脹寒戰咬牙者急與內助丹 若痒塌氣促足冷者加附子有水泡者大加白朮行去惡水而膿自



乾矣

一血盡漿足溫潤不斂者內虛也保元加苓朮以助收斂結痂或六君子湯

一當靨不靨發熱譫語目閉口喘手足大亂小水不利者以熱毒乘於肺經無陰氣以收之然也急用清金導赤飲主之

一漿未稠濃頂未飽滿面腫忽退目閉忽開瘡脚散潤色白皮皺乾燥似靨非靨此因津液枯竭血氣虛少內証未除之故此症之極險者也急

用四君子加麥門冬牛蒡子荊芥連翹桔梗救之若誤認作結痂無事致成危殆悲哉

一膿後不能結痂反成腐爛和皮脫去者以倒靨也係中氣不足急用保元湯加當歸牛子連翹薄桂木香治之其頭面瘡已破者復加腫灌手足遍身原無瘡處又復出一層謂之補空若治之頭面不腫空處不補不旋踵而告變矣

一收靨時忽泄膿血痂皮者以亦倒靨之症乃脾強腎弱為順利盡自愈不必施治如利下水穀



不分者以腎強脾弱也急用陳氏木香散送下  
萱菴丸

一痘因冬月嚴寒被寒氣鬱遏而不能靨者以桂  
枝解毒湯治之

一痘因夏月炎暑熱氣薰蒸而不能靨者甘露解  
毒湯微利之

一遍身俱收惟頭與足不收者以陰陽不和故也  
以四物湯去地黃加牛膝升麻牛旁紅花荆芥  
之類

一多服熱藥以致熱毒猖狂痘爛不靨者小柴胡  
湯合回漿散或天水散或猪尾膏外以黃連輕  
粉為末相油調敷或用猪胆汁研芒硝如膏塗  
之 古人用猪尾膏獲効神速者蓋以熱毒蘊  
併於心經致熱毒內外灌注而不結痂用此方  
者以血歸心引龍腦以涼之而行營衛况營衛  
得香則行遇臭則止也

一收靨時有臭氣帶腥者佳全無氣息尚有餘毒  
未發也若臭氣如爛肉不可近雖似結痂未可



為真急以清熱活血緩則無濟

一瘡歆收而唇口乾紫連結查滓頰紅者將成肺癰也宜解毒湯麥冬知母百合甚則大連翹飲凡痘係危症氣血本虛多服補劑而漸有膿色將收靨雖有熱者只可於補劑中加涼藥可也若謂將靨而去補劑竟與涼藥更加下利藥歆令速靨是速其斃也蓋虛者復虛毒反內攻而死歟必然之理又已然之驗也

逆症不治 痘當靨遍身未見青膿黃色之漿而口唇上下痘先黃熟者毒氣內攻於脾也不治一痘收靨時不喫飲食口唇常如食物而動不止者不治

落痂症及靨後餘症

一痘瘡收後痂厚落遲離肉不粘者吉  
一痂落疤帶紅色而不凹凸更無他症飲食二便如常者吉

一自食痘痂者雖有他症不死  
一痘已結痂而不焦落者餘熱為害也大連翹飲



去紫草加地骨皮

一痘痂至半月或一月不落或發痒者此因表發太過致肌肉不密無力收斂故也宜人參固肌湯

一痂不落反見昏迷沉睡不省人事者此脾胃大虛也宜人參清神湯

一痂雖乾好但半邊掀起半邊粘着不能脫落者此過用辛熱之藥熱留肌表也宜升麻葛根湯加防風荆芥蟬退連翹以去肌表之熱即落矣

一痂紅紫者乃血熱毒盛也當涼血解毒

一痂白者血不足也不治雖過四十日還死此因漿水淡故痂白急用保元湯合四物湯加白朮陳皮紅花老米

一痂後身熱不退或寒熱往來用小柴胡湯虛則補中益氣湯俱加黃芩

一痂後唇乾口渴熱甚不解者大連翹飲主之  
一痂後虛煩不眠者竹葉石膏湯 煩渴譫語者

辰砂益元散



一痲後口噤殭直腹痛透臍冷汗如雨痛定汗止而脉弦緊者因痲受風寒也宜散風養血用釣藤湯加紅花木香川芎芍藥當歸甘草白木青皮官桂生姜

一痲落肌肉尚嫩出見風早遂成癩癰有膿汁出者燒牛糞灰敷之 痲不落搗搗抵搔致成痘風瘡者宜消毒飲加苦參當歸外用金華散或乳香韶粉散 遺毒生瘡不已者活血當歸湯宜灸風池曲池三里則永不發

一痲後遍身青紫癩癢口噤痰响者由氣血虛弱而受不正之氣也用蟬退一錢姜汁薄芎汁入酒一盞調服得汗即愈

一痲後手足忽然拘攣不能屈伸轉動者由血少不能養筋或因風寒濕三氣使之然耳不可輕用發散反耗其血只補脾養血則瘳當歸桂枝湯治之

一痲後赤火丹毒惡候也從頭上起者過心即死從足下起者過心腎即死內服玄參化毒湯



一痲後牙齦生瘡時 = 出血謂之牙宣呼吸息謂之息露此走馬疔也由熱在陽明急用蚕退散敷之 如唇腫面浮穿鼻破頰潰喉腐肉飲食不入者死

一痲後發癰者皮膚間隱 = 起成疔瘡此由毒氣未得發盡藏於皮膚或發痒搔之而成者或因受風 = 火相持而成者此吉兆也欲發出無使停留以變他疾如發太甚不已者內服防風葛根湯外用蜆子水洗之如無用六一散拂拭之

一痲後兩目不開惡見明者謂之羞明惟向暗處敢開也涼肝明目散主之 若暗中亦不敢開者此即防目中有瘡以望月沙散治之



赤水玄珠第二十八卷

痘疹心印

新安生生子孫一奎著輯

異痘須知

夫痘有似凶而吉有似吉而凶者不可不知

天根痘

諸痘不起壯而天庭或曉星起灌者乃精氣外生故曰天根十有九生

天空痘

諸痘壯氣而天庭或曉星不壯者乃血不灌頂也故曰天空十無一生

明朗痘

諸痘不起而太陽太陰獨起者吉日為明太陽之謂也

明蝕痘

諸痘起壯而太陽太陰不起者凶

海溢痘

諸痘不起而耳後方員一寸獨起者名曰宿海溢是腎經旺也可治





賊痘

救五日之外難救蓋氣血下行不能上  
升急用升麻川芎白芷蘘葉前胡甘草  
桔梗防風當歸筭尖姜水煎服如不治  
曲池生毒一月見骨而死若身上四肢  
稀少者不可  
遂作鬼痘看  
痘初出便如綠莖過一日便如黃莖大  
再一日又如員眼大名曰賊痘其痘根  
窠與頂全無血色形雖起脹按至虛軟  
至四五日上下出血而死但此諸痘

蛇皮痘

獨大其大甚速者就是  
不必大如員眼也  
頭面遍身再無空地平塌而色白者俗  
名蛇皮以必乾枯不能作漿至十一二  
日必死  
初標紅潤至四五日忽變陷伏不起將  
至裏虛以此名為藥患急用扶表裏為上

藥患痘

九焦痘

當額地閣顙骨背耳後手足皆有  
二箇黑陷者名曰九焦痘不治

伏陰痘

痘不貫膿而瀉膿血  
故名伏陰急宜溫裏

空倉痘

痘雖肥滿而內實乾枯全無血水  
乃空倉也決死之症

石臼痘

痘中有凹而四弦特起明亮好看內實  
漿板不化以手摸之其硬如石因形犹  
石臼故名之此

症斷不可治

茱萸痘

痘不甚起而中亦有凹四弦皆有縐紋  
以其形似茱萸故名之也若得根窠紅  
活者服內托散去防風白芷頂中發黑  
點者保元湯加芎桂身壯熱者入酒炒

黃

虫痘

痘瘡痒甚者不必夏月中蠅生蛆雖寒  
月亦有用簪挑去而愈或謂用柳條鋪



白萍瘡

同上

草尾珠

其痘遍身俱陷惟翫骨一團飽滿如珠此症可治補托灌膿即痊矣

黑痘

盧廉夫曰黑痘多屬血熱黑痘本為惡証世醫恒棄而不治然形狀多端猶可解救須當辨而治之但血不活者則難救矣

一痘紫黑或黑點子隱在皮膚之間者無比

散或人牙散用猪尾血三五滴酒調下

小兒

三分大人五分

一初出便是黑點急用紫草茸二三錢醇酒半盞煎至三分濾查與服為妙

一其形如瘰皮膚發青紫紋者服透肌散或

加防風荆芥

一形如牽牛而色瘵敗又黑痕併黑靨者並

用蟬退二十五箇紫草茸一錢水煎服

一痘黑如煤炭血不紅活者用活血散一錢

酒煎紫草湯下

一痘黑而皮膚皆黑成片者化毒湯加蟬退

地骨皮酒炒黃芩

一痘黑大而軟者氣弱而熱毒盛也用保元



加紫草

一痘焦黑潮熱煩躁者小無比散井水磨犀

角調下一錢

氣血兩敗痘

近看猶如水蓼花 遠望胭脂 紫可誇 臨漿清水不成膿

古聖神農 無治法

復出痘

先見標一二點于面部或口唇上下如常起脹貫漿收靨不知者以為痘本稀

少故也然以火照之紅點隱然藏于皮膚之內急用內托解散則痘復出不然願下決發一毒不急散其毒而發其痘即死

雲翼子二十八般異痘姑錄于后以備參者

一彤雲繞頂

通身痘好但頭頂一片紅赤者乃執毒盛于膀胱也須清利之

一紫雲灌頂

通身痘好但頭頂紫乾陷伏不起者不治

一烏紗覆頂

其症必咽喉啞塞鼻氣大粗乃血衰氣敗而元陽脫也不治

一梨花漫頂

用保元湯加天樞 統或可救

一雲掩天庭

遍身磊落光澤惟額上一片血 瘡如雲者乃心家客熱甚也急

磨犀珠 服之

一紫萍鋪額

其症熱甚咽痛悶亂發狂用小 無比散加玄參升麻犀角

一烏紗落額

不治

一灰撲印堂

此症心家少血也若兼腹脹咽 乾用保元湯加白芍涼血解毒



好湯

一楊花撲面

用內托散  
加天雄

一赤珠繞唇

此乃脾經極熱也用  
小比散加雄黃

一烏飯沾唇

以証必声啞神昏目精不轉四  
肢厥冷喉响如鋸三朝七日乃  
死期也

一霞錦穿胃

此因火毒淫盛  
不治之症

一紫雲佈胃

以症血枯氣滯毒來攻胃也其  
症必咬牙戰掉口唇焦裂頃刻  
命傾矣

一黑棋排胃

三朝决死

一柳絮飛胃

此乃血氣枯弱也保元湯  
加芎歸附主之

一桃花映背

以症清火解  
毒可生

一紫萍浮背

不治

一黑砂落背

不治

一雪鋪魚背

以血已枯  
也不治

一赤鱗穿腹

以症必大便秘小便淋瀝乃胃  
家熱甚也用五苓甘露以和解

一黑段纏腹

以症必肚內膨脹声音  
啞二日終矣

一白梨墮腹

氣血衰敗也半月  
之間發驚而死

一葡萄落地

臀間紅紫一片若葡  
萄者兩日命終

國家圖書館, NATIONAL CENTRAL LIBRARY, TAIWAN, R.O.C.



一爛粟居臀

遍身俱好惟臀上一片如粟壳臭爛者托補下元可轉

一榴花散野

諸痘俱好惟四肢紅赤而唇口崩裂者乃心脾肺三經熱也須

涼血清火解毒

一黑珠遍躰

四肢枯黑如火燒紫頭口中涎出氣冷朝夕死矣

一楊花墮枝

手足獨灰白者氣凝血滯也八珍湯加附子治之

### 婦女痘

童女出痘與童男相同無以議也但天癸通者則治法不能不異且夫發熱之初適遇經水如期而至則熱隨血解痘出亦輕不須服藥若過三

四日而熱不止痘不出者以熱入血室血必妄行為內動中虛之患宜涼血地黃湯加人參治之

一非經行之期於發熱之際而經忽至者此毒火內熾逼血妄行之故必痘多而毒盛急用涼血解毒湯倍加連翹牛旁使熱得清毒得解痘得出經得止始無他變遲則內虛痘必陷矣柳花散佳

一正當起發灌漿之時適遇經行過三日不止痘



應起發而不起發應灌漿而不灌漿頂平形塌  
或灰白或黑陷此為經血去多陰血虧耗必為  
陷伏壞疔矣急以八物湯去地黃加黃耆木香  
熟附子以調元氣或葫荑酒噴之使痘起發灌  
漿或出增痘者為吉若寒戰咬牙喘急腫滿手  
足厥冷者為內脫不治之症矣

一起發灌漿之時經水適來忽口瘡而不能言者  
乃血入少陰不能上榮於口也宜先以當歸養  
心湯主之俟其能言後以大補湯治之或猪心

### 血調服亦可

一經水不斷之時適逢出痘身發壯熱神思昏沉  
言語狂妄如見鬼神尋衣撮空此行經之後血  
室空虛天行邪熱乘虛而入犯於衝脉蓋肝藏  
血開竅於目神思昏者魂亂也目妄見者視亂  
也妄言者肝移熱于心也宜瀉肝散或小柴胡  
湯加生地丹皮

一正直崩漏不止氣血俱虛之後適逢出痘此必  
不能勝任宜大補其氣血以十全大補湯八物



湯加木香黃芪官桂主之使裏氣充足毒無留  
停更能飲食則可保全否則倒塌不治矣  
一向來經閉不通血海乾涸適逢出痘毒氣拂鬱  
於衝任之間二陽之併發其熱必甚若攻擊之  
則血妄行不止痘亦不出為喘急為腫脹為陷  
伏矣須調其心脾使毒得發洩庶可以保其生  
以歸脾湯逍遙散治之脾和食進然亦方可收  
功

一痘瘡起發至泡漿數日最宜表裏無病飲食如  
常若當此時忽然行經者人但知厭穢以觸正  
痘殊不知此乃本身之血不為之厭但恐血去  
裏虛防生陷伏之變急宜救裏解毒大補湯主  
之

一姪婦最忌出痘蓋熱能動胎胎落則血氣衰敗  
痘必不能起發灌漿命其危矣故孕婦出痘深  
為可慮蓋痘之用藥多主溫補如半夏肉桂之  
類皆姪婦所忌而烏附又非痘家所宜凡遇此  
症者不問輕重悉以清熱安胎為主不可觸動



其胎宜安胎散加黃芩芍藥主之血動者四物湯加芩連治之及單胎散佐之身熱足冷腹脹者八物湯加木香脾氣虛不進飲食毒發不出者四君子湯加木香糯米紫草胎動不安者安胎散加砂仁痘出稠密者參芪內托散加紫草芍藥當歸單身熱有外邪無內疰者參蘓飲加木香更以如聖散為主隨疰加減如初發熱如升麻葛根連翹痘出太甚加酒炒黃芩大力子山查連翹不起發加大力子白芍藥口渴加麥冬知母天花粉痰多加半夏所謂可擾而擾似乎無擾故雖有胎不忌半夏也

一痘正在起發灌漿之時忽遇坐草分娩之期此氣血俱虛之候宜大補湯加熟附子主之以補氣血固表裏若產後小腹急痛者此血未盡也黑神散畧與行之不必拘泥若寒戰咬牙腹脹作渴足冷身熱者此脾胃內虛外作假熱也大補湯加熟附一二劑更用四君子湯加黃芪當歸陳皮木香多服止者吉不止者凶



一疹後十日或半月之間適逢出痘與無胎孕繫累只以大補氣血為主以大補湯或八物湯去芍藥痘出多加連翹大力子大便自利者加肉荳蔻只照常一躰用藥施治不必妄為而多疑之反致誤事

一痘疹要訣曰姪婦出痘收靨之時胎落者多無事若發熱初出之時胎落者猶或可救若時當起脹灌膿而有犯以者多死蓋血氣衰敗無以逐其毒也

一痘已出未出不起不發隱在皮膚并治麻症斑症用梅花一兩桃仁二錢絲瓜五錢辰砂二錢甘草二錢為末每服五分參蘓湯下

一痘不問前後凡黑陷咬牙寒戰用梅花六錢川山甲一兩仙靈脾五錢射香一錢為末每服三五分咬牙寒戰加人牙二三厘內托散送下

快斑散

貫衆

赤芍藥

各一兩

甘草

升麻

枳殼

炒各五錢

右為末每服一錢水一盞竹葉七片煎至五



分溫服看大小與之按貫衆主腹中諸熱邪  
毒其性微寒凡痘瘡煩渴咽燥喘急大便秘  
小便赤澁目赤皆裏熱也急宜服之

西來甘露飲

清熱解毒如神凡發熱之初五日已前而熱不  
退痘色紅紫口渴大便結燥服之即能紅潤  
亦治疹家煩熱口乾咳嗽疹色枯燥或譫語喘  
急睡卧不安

絲瓜藤

霜降後三日近根二尺剪斷將根頭

一節倒插入新瓦瓶中上以物掩之勿使灰塵  
飛入次日以好新罈一隻將瓶中之汁傾在罈  
中仍將藤照前插入瓶內三日後汁收盡將罈  
封固收藏听後取用○若發熱煩躁口渴未見  
紅點將茜根一兩水煎濃汁二酒盃挽絲瓜藤  
汁二酒盃相和服之立安痘出亦輕○若已見  
標顏色紅紫及稠密者用紫草煎濃湯冲服便  
見紅潤○若夾斑者犀角紫草茜根煎湯冲服  
寒月用酒煎冲服○蓋此汁極能解毒清熱尤



治天行時疫每以生姜汁少許加蜂蜜調勻服之有神功

渾元汁 即紫河車不拘男女初胎者尤妙入新瓦罐內封固其口上以碗覆埋於土中久則化而為水是也

專治氣虛血熱痘色紅紫乾枯黑陷等症以此汁清而補之其效立見氣虛甚者人參紫草煎濃湯沖入服之 已上二方有力之家可多收貯愈久愈佳臨症極便勝如積金寶造浮屠也

李氏敗毒散 治初執壯盛等症

即前敗毒散加升麻荆芥牛旁子蟬退山查地骨皮薄竒紫蘓紫草 減獨活柴胡茯苓人參

右姜一片水煎臨服加葱白汁五茶匙 如熱甚加柴胡黃芩 夏加香薷 冬加麻黃

瀉加猪苓澤瀉

蘓解散

治痘初壯熱頭疼腰疼腹疼作脹一切熱毒甚者

紫蘓 葛根 防風 荆芥 白芷 蟬退

紫草 升麻 牛子 木通 甘草 各等分



加灯心葱白各七根水煎热服

升麻葛根湯 治初热壮盛疑似未明服此或痘已出而表热甚不退 李氏加紫蘇五分笋尖山查牛子各一錢冬月加麻黄一錢令痘易出

易欵

和解湯

解表和中

升麻

乾葛

各一錢半

白芍

一錢

人參

防風

各七分

川芎

八分

甘草

五分

姜一片水煎服

解毒疎痘湯

預服解热去毒

又治紅紫口乾壯热

已出解热毒斑疹

譫語

防風

荆芥

羌活

柴胡

川芎

白芷

當歸

連翹

黄芩

黄連

麻黄

紫草

蝉退

右姜葱水煎服

加味葛根湯

治痘失表發熱譫語

升麻

葛根

赤芍

甘草

桔梗

柴胡

荆芥

防風

連翹

牛旁子

木通

右水煎服

大灵丹

治壯熱顛狂驚搐譫語紅紫斑焦乾陷

一切惡症



白滑石 飛過 三兩 雄黃 飛過 各三錢 犀角 各三錢 辰砂 飛過 三錢

半 牛黃 水片 各一錢 射香 五分

右研極細和勻用升麻甘草防風薄荷灯草  
牛子紅花紫草黃連各三錢水二碗煎至半  
碗細絹瀝去渣加蜜四兩同熬滴水成珠和  
前藥丸如小龍眼大金箔為衣每用一九灯  
心湯下暑月冷水化下

無比散 初熱服之甚能稀痘 又治痘夾黑點  
子 及黑陷黑痘等症

辰砂 一錢 水片 射香 牛黃 各五分如無牛黃用牛胆南星

代之 膩粉 二錢 一方有蟾酥

右研細末一歲兒服一字大者五分刺猪尾  
血三兩點新汲水調和送下取下惡毒如爛  
魚腸葡萄穗狀即愈

小無比散 治痘壯熱口渴小水澀大便秘口氣  
熱煩躁不寧或焦紫或紅斑自發熱至起壯時  
有熱者皆可用痘後餘熱亦可用

桂府滑石 飛過 六兩 石膏 飛過 一兩 粉草 寒水石



各五錢 鬱金

蟬肚小者甘草湯  
煮乾為末七錢

右俱製淨末和

勻每五歲者服二錢大人再加 冬月灯心

湯下 夏月井水調下 熱甚不解者井水

磨犀角汁調下 若紅紫頂陷不起加川山

甲末一分射香半分紫草煎湯加酒一二匙

調下即起

大無比散 治熱毒大甚驚狂譫語引飲痘瘡紅

紫黑陷

桂府滑石

飛過六兩

粉草

一兩

辰砂

飛三錢

雄黃

飛一錢

右末每三五歲服一錢十歲服二錢發熱之

初用敗毒散調下亦能稀痘 若報痘後用

灯心湯下

退火回生散 治痘熱甚發渴紅紫黑陷

滑石

錢一

辰砂

分一

冰片

厘三

右末冷水調下

得睡少時神安氣靜痘轉紅活

龍腦膏 痘毒出不透心煩狂亂如見鬼神或已

出未出番伏黑惡毒等症

冰片 研末新宰猪心血和丸員眼核大小



兒服半丸 大人服一丸 凡狂妄煩躁者  
心經毒盛也紫草湯下 昏瞽不醒者伏熱  
在心經也井花水下 血疱漿不回者紫草  
湯下 漿坐疱陷者溫酒化下

天真膏 治黑陷乾枯紅紫及斑不退用此救之  
十全四五

初生小兒解下黑糞用磁 收貯加水銀二兩  
射香一錢黃蠟封口埋 於土中愈久愈妙久  
則化而為水每遇前症 有見大小熱毒盛者

量與二三茶匙酒煎紫草湯對半和勻服之  
立時紅潤活澤真秘方也較之天靈蓋枯臭  
無益之物萬々矣緣此糞原係母之真血所  
化蓋以血補血且入土日久又得陰氣多故  
能解毒 百日内小兒熱而煩躁啼哭不止  
用少許點入眼角二三次便能神安氣和而  
睡蓋又能清心熱也

猪尾膏 治全龍腦膏但此二方俱以龍腦為劑  
虛寒者不可用惟實熱則有功



凡痘過服熱藥昏昧不知人事者取猪尾血以  
龍腦和為丸負眼按大溫酒化下按猪尾乃動物取其血用  
之使毒活動化漿而達於外也

一凡痘倒靨心神不安者片腦五分辰砂一錢猪  
尾血爛研膏用木香磨湯化下

一凡痘不化漿倒靨者片腦一分猪尾血一錢同  
研新汲水調下

歲靈龍腦散 治痘黑陷

歲靈仙一錢炒為末片腦一分右用溫水調下取下

瘡痕為効

獨聖散 痘不起頂或紫黑陷倒靨服此即時紅  
活起發有起死回生之功又名奪命丹

川山甲酒炒成珠一錢取前足及嘴角者佳麝香一分

右末每小兒三分大者五分用木香煎湯入

少酒調下 熱甚者紫草湯下

宋杏庄方內加炒紅麴川烏炒焦各五分名曰一  
七金葱湯下

大成散 治痘出不快或頂陷或灰白黑陷一切



不起發之症俱可用之

川山甲酒炒一兩 甘草末錢三 雄黃 硃砂各一錢半

紫草錢三 射香分二 右每五歲兒用二分冷症熱

酒調下 熱症紫草湯下 寒者加入治中

散內用 熱症加入小無比散內

人牙散 治痘不起發黑陷或紅紫黑斑咬牙寒

戰 人牙自落者不拘多少火煨存性津入菲菜汁內大牙三次小牙二次研極細

未入射香一分 或加紅麴二分 右用雞冠血調成膏好酒半

盞人乳半盞入葱白一撮煎湯送下

凡服牙齒不可過多每服止三分多則陽氣盡出

於表恐痘斑爛無血色陰氣內盛必裏寒而濡

泄急以四君子加芎歸服之

無憂散 治臨危痘症寒戰咬牙

人牙如上製一錢 椎黃 珍珠各五分 一方有牛黃五

分 右末每服三五分多則一錢荔枝煎湯下

無價散 治黑陷欲死者 一方加射香米片許

用無病小兒糞臘月將傾銀確二箇上下合定

鹽泥固濟火煨通紅取出為末蜜水調服一錢



烏金膏 治發熱至七日已前或因風寒痘不起

發或紅紫或驚搐俱可用

姜蚕

酒洗

全蝎

去足尾酒洗

甘草

紫草

白附子

味苦內白者真

洗淨

麻黃

各五錢

川山甲

炒末二錢半

蝉退

去頭足酒

二錢

右為末將紅花紫草各一兩好酒二鍾

熬去大半去渣入蜜五兩慢火同熬滴水成

珠為度丸如龍眼核大每服一九灯心湯化

下

紫金散

治出不快及倒靨

亦治遠年不愈惡

瘡 紫草

蛇退

炒

牛旁子

炒各五錢

右為細末每服一錢水半鍾煎減半溫服

連翹升麻湯

治痘一發密如針頭形勢重者當

輕其表而涼其內

連翹

升麻

黃芩

葛根

各一錢

冬

去心二錢

右水煎服

清地退火湯

治痘帶熱而出名為火裏苗急用此方以退其熱則後無青黑變陷

之候

地骨皮

地膚子

各一錢

牛旁子

紫草

葛根

各八分

連翹

六分

當歸

五分

木通

三分

蝉退

二分

右加姜一片水煎服

如熱不退再服一劑



或為末灯心湯服

紫草透肌湯 治痘熱而出不快及頂陷者

紫草錢一升麻分五牛子分五防風分五荆芥分五黃蓍各八

甘草分三木香分五右姜水煎服 如色紫腹

痛加蟬退一錢

化毒湯 治痘已出而熱毒未解宜清熱涼血毒

一解不致黑陷血一涼不致紅紫

紫草 升麻 甘草 蟬退 地骨皮 黃芩

炒酒木通 各等分水煎服

解毒散 治毒先發腫者名為痘母後發者十有

九死先發者吉 金銀花兩五甘草兩一木通

防風 荆芥 連翹 牛子各三錢

右用酒水各一鍾煎服 如泄加訶子荳蔻

痘紅者加炒黃芩為藥 瘡痒者加歸身生

地或加何首烏尤佳 疼痛者加赤藥

透骨解毒湯 治寒戰咬牙

紫草 甘草 當歸 防風 陳皮 赤芍

右等分水煎服



消毒飲 痘已出上焦熱胸膈不快及痘後癩毒

麻疹熱毒 荆芥 牛子各二錢 甘草一錢

右姜二片水煎服

如聖湯 痘已出身熱如火

紫草 升麻 葛根 白芍 甘草 木通

猴梨 各等分加姜一片葱白三莖水煎熱服

心煩加麥冬赤茯苓煩渴加生脉散 七八

九日身如火者加酒炒黃芩地骨皮

四聖散 黑陷倒靨不起發不紅活小便不利

紫草 黃耆 甘草 木通 右水煎服 熱

甚色紫倍加紫草芩連紅花大便秘加枳壳

如常加糯米

加味四聖散 痘出不快及變陷倒靨小便赤身

熱未退或復冒風者

紫草 黃耆 人參 甘草 川芎 蟬退

木通 木香 大便秘加枳殼 不秘加糯米

百粒水煎服

涼血解毒湯

痘出熱不退紅不分地或痘苗乾枯黑陷急用此方可起壯灌漿



紫草錢一 生地 柴胡各八分 牡丹皮七分 赤芍

蘓木 防風 荆芥 黃連 木通各三分 牛子

四分天麻 紅花 甘草各二分 姜一片 灯心二十

根糯米百粒水煎服

惺惺散 治痘頭痛壯熱喘急以攻毒散熱之劑

人參 白朮 茯苓 甘草 桔梗 細辛

川芎各五分 薄荷 一方無川芎加天花粉

姜三片 枣一枚 水煎服

內托散 痘不起發根窠不紅或灰白色 咬牙寒戰甚症

人參 黃耆 甘草 川芎 當歸 防風

白芷 桔梗 白芍 厚朴 木香 肉桂

右姜一片 枣一枚 水煎服 色紅紫者去肉

桂木香加紫草 蟬退 漿不滿水酒各半煎

服 色淡白者去防風 白芷加糯米 大便

燥加人乳

蟬退膏

蟬退 酒洗去頭足 當歸 防風 甘草 川芎

荆芥穗 升麻 白芍各一分 右為末煉蜜丸



芡實大每服一九薄奇湯化下

粉紅丸 又名溫驚丸 治痘後癩癩症

牛膽南星

四兩辰砂半一錢

天竺黃

五錢

冰片

五分

胆脂丕

一錢

右為末牛膽汁和為丸雞豈子大

每服一九小者半九沙糖溫水化下

大保元湯

治頂陷根窠雖紅而皮軟薄血有餘

而氣不足

黃芪

錢二

人參

半錢

甘草

錢一

川芎

各一錢

官桂

一分

加姜枣水煎服

如氣不行加木

香減去桂 若不食加人乳半鍾 又方加

白何首烏黑豈蒸過用

生脉健脾湯

治漿既成皮軟色白乃氣不足也  
氣不足當補氣血不足宜養脾脾

脾則血生是固其本也

黃芪

半錢

人參

錢一

炙甘草

官

桂

各三分

當歸

錢一

白芍

錢一

白朮

各八分

茯苓

錢一

五  
分

紫草

四分

姜一片紅枣一枚糯米五十粒或

加酒洗紅花三分

通天散

治痘發熱不出或已出而色不紅活

人參

陳皮

桂枝

各八分

川芎

錢一

熟地

錢一

芍藥

錢一

各一錢

當歸

紫草

各一錢

紅花

半錢

木香

各三分

甘草

錢一



六分知母分八荔枝殼箇十右用鷄汁一鍾棗三枚

糯米一撮煎服初服到頸再服到臍三服到

脚神効

升天散 即灌膿起頂散治痘灰白或紅紫黑陷

乾枯或清水不成漿八九日十日皆可服

人參分六黃芪分六山查各八分白朮土炒當歸分五川芎

橘紅各五分甘草分三淫羊藿分八川山甲土炒黃

肉桂三厘引經藥多則痒之木香分二姜一片棗一枚

水煎服 或為末服亦可 如嘔吐生薑湯

下 瀉米飲下 肚痛神麩煎湯下 煩躁

麥門冬湯下 渴用麥冬五味煎湯下 吐

瀉藿香陳皮湯下 痘不成漿多服數帖無

妨

補漿湯 痘灰白不起壯或漿清

淫羊藿三分多則發痒人參分八川山甲土炒黃芪一分錢

枸杞子錢一川芎分五當歸分八甘草分五木香

分二白朮土炒山查分八陳皮分五官桂三厘

黃荳三十粒筍尖箇三加姜棗糯米水煎服 一



方有白芷防風

補元湯 治痘頂充滿而根盤不聚色不紅活乃氣有餘而血不足也

川芎 當歸 白芍 酒炒 熟地 各一錢 紫草

紅花 各酒洗七分 陳皮 甘草 各三分 白朮 土炒一錢半

酒水各半盞糯米五十粒棗二枚煎服

活血散 治痘色淡白

當歸 赤芍 酒炒 紫草 川芎 紅花 各五錢

血竭 一錢 木香 二錢 右為末每五歲者服一錢

十歲已上者服二錢好酒調下 熱極血焦

不紅活者酒煎紫草湯調下

保生散 治氣血俱虛灰白色不灌膿回漿者

紫河車 一具焙為末 龜板 酥炙五錢 一方有鹿茸五錢

右末每服五七分或一錢氣虛者保元湯下

血虛芎歸紫草煎湯下

渾元散 治全上

紫河車 一具分作五七塊 用白糯米三合水淘淨入

無油鈹內同炒以米黃色為度同為末每用



五七分兒大者一錢極補氣血能助灌漿如神緣糯米性溫得紫河車之氣純化為河車故其補功最速譬之造酒米從麴化意也極妙絕

異功散 此方調順陰陽充實表裏凡痘灰白痒癩寒戰泄瀉腹脹並宜服之非虛寒者不可輕用 人參 白朮 茯苓 當歸 陳皮 半夏 厚朴姜制 木香 丁香 肉果 大附子 官桂 右姜煎水煎服

內助丹

黃耆酒炒 人參酒炒 白朮 茯苓 陳皮 半夏 厚朴 肉桂 山查 姜三片 枣一枚 糯米五十粒水煎服 如不食加人乳一盃 痒甚加大附子 寒戰不止加附子 防風 渴加麥冬 瀉加澤瀉 猪苓 不止加訶子 肉果

助陽丹 痒塌不起根窠不紅

黃耆 人參 白芍各酒炒 甘草三錢 川芎



當歸 各一錢 紅花 五分 陳皮 八分 官桂 二分 姜棗水煎

服 如食少加山查厚朴各五分餘加全煎

回生起死丹 治痘灰白寒氣逆上不食腹脹嘔

吐肚痛泄瀉清水手足俱冷

丁香 九枚 乾姜 一錢 水煎熱服被蓋片時令脾胃

溫暖陰退陽回痘自紅活

治中散 虛寒瀉利不進飲食

黃芪 人參 茯苓 白朮 川芎 當歸

肉桂 各五錢 肉果 麵包煨熟 丁香 一錢半 木香 三錢

右末每五歲用五分好熱酒調下衣被蓋煖

少頃痘變紅活而起

和中湯 虛吐不止即鎮胃止吐湯加人參

人參 茯苓 甘草 各五分 白朮 各八分 半夏 各八分

陳皮 藿香 砂仁 各一錢 生姜水煎服

藿香正氣散 治初熱乾嘔

藿香 紫蘇 大腹皮 陳皮 桔梗 甘草

茯苓 半夏 厚朴 白芷

右姜棗煎服



定痛散 傷寒肚痛及冷氣痛

神麴 香附各一錢 山查二錢 良姜 當歸

甘草各五分 姜三束二水煎服 手足逆冷加

大附子二分

桂枝芍藥湯 治腹痛

桂枝 炙甘草各一錢 白芍藥酒炒二錢 姜三片束

二枚水煎服

黃連湯 治熱毒在胃腹痛時或欲吐此藥能升

降陰陽 黃連 炙甘草 乾姜 桂枝各二錢

半夏 人參各八分 粳二枚水煎服

益黃散 胃冷嘔吐而利

陳皮 青皮各二錢 丁香五分 木香三分 訶子七分

右水煎服 一方無木香有荳蔻一錢

聖腸湯 治瘧泄瀉不止

黃芪 白朮 肉果炮去油各一錢 山查七分 川芎

陳皮各五分 升麻三分

加牙三枚水煎服

豆蔻丸 治瘧灰白泄瀉清水不止 又方止用



龍骨訶子肉蔻三味治同

木香 砂仁 龍骨 訶子肉 肉果 麩煨各五錢

赤石脂 枯礬 各七錢半 右末麵糊丸黍米大每

服三十九米飲下

加味犀角飲 痘已出不勻心煩壯熱口舌生瘡

犀角 牛子 荊芥 甘草 防風 升麻

桔梗 麥冬 水煎服

犀角地黄湯 治諸失血

犀角 磨汁 赤芍藥 生地 丹皮 各等分水

煎服

二寶散 治痘紫色發熱鼻衄小便如血口渴亂

語 犀角 玳瑁 二味磨汁頓服即愈

斬關散 痘紫發熱鼻紅不止

地黃 丹皮 黃芩 各五分 升麻 三分 藕節

茅根 各一錢 菘苳 四十粒 水煎服

梔子仁湯 煩躁譫語驚狂發斑

梔仁 黃芩 石膏 各二錢 知母 杏仁 各一錢半

大青 柴胡 荳豉 赤芍 各一錢 升麻 八分



甘草分五 水煎服

人參白虎湯 暑盛煩渴痘出不快又解麻痘斑

痘等熱毒 人參分五 石膏錢四 知母半一錢 炙甘

草分三 加粳米一撮水煎服

竹葉石膏湯 治痘不惡寒壯熱煩渴小水赤澀

石膏 知母 甘草 麥冬 竹葉

右水煎服

麥門冬湯 治斑疹煩渴吐瀉及痧後餘熱

麥冬 人參 甘菊 赤芍 赤茯苓 升麻

錢各一 甘草分五 石膏錢三 水煎服

生脉散 止煩渴首尾通用

人參 五味子 麥冬 水煎當茶飲

參苓白朮散 治痘已痂未痂身熱不退煩渴不

止此藥極能清神生津乃治脾虛之聖藥也

人參 白朮 茯苓 甘草 乾葛 木香

麥冬 藿香 各等分水煎服

柴胡麥門冬湯 治痘壯熱經日不退

柴胡 麥門冬 甘草 人參 玄參 龍胆



草 水煎服熱退即止 一方無人參

涼膈散 上兩積熱口舌生瘡煩渴

連翹 薄荷 黃芩 梔子 甘草 大黃

朴硝 各等分水煎服 如痰火嗽加桔梗竹

葉蜜一匙

四順飲 治大便秘

大黃 當歸 芍藥 甘草 各等分水煎服

通幽湯 大便秘結

當歸 紅花 生地 熟地 桃仁 升麻

火麻子 水煎服

通腸散 大便秘結

枳殼 當歸 大黃各二錢 芝麻三錢 牛膝分

水煎服

葱白湯 治頭疼

連鬚葱白 生姜不拘多少水煎帶溫服

當歸六黃湯 治自汗盜汗

當歸 黃芪 黃芩 黃連 黃柏 生地

熟地 各等分水煎服



甘露飲 治牙根腫痛腐爛口臭牙疳出血喉舌

生瘡 天冬 麥冬 生地 熟地 黃芩

枳殼 石斛 茵陳 枇杷葉炙去毛 甘草

各等分水煎服

吹口丹 治口疳

黃連 青黛 孩兒茶 冰片 為末吹之

赴蓮散 口瘡神効

薄苛 黃栢 等分為末入青黛少許搽之

牙疳方 痘後餘毒攻牙根疳腐內宜服甘露飲

人中白煨三錢 枯礬二錢 鹽梅七箇煨存性 射香一分

白礬子灰一錢 五穀虫焙乾二錢 為細末先將葱

茶洗去腐肉須見鮮血然後搽藥

鈎藤湯 痘後口噤僵直遠臍腹痛

鈎藤 紅花 木香 川芎 當歸 白芍

甘草 白朮 青皮 黃連 官桂 生姜

各等分水煎不拘時服

消風散 治痰盛驚搐譫語狂急口張目作上視

羌活 獨活 姜蚕 藿香 枳壳 防風



天麻 地骨皮 蟬退各八分 前胡一錢半 柴胡

黃芩 天花粉 桔梗 茯苓 荊芥 紫草

牛子各一錢 人參 川芎各七分 甘草四分

姜枣水煎服

瓜蒌散 治痘熱極生風發搐

瓜蒌根二錢 白姜蚕一錢 慢火全炒老黃色為

末每服二三分薄荷湯下

保命丹 一切驚風發熱

天麻 鬱金 全蝎去尾各五分 附子一分 甘草三錢

青黛三錢 白附子炒 姜蚕姜汁炒 薄荷五錢 大半夏

炒滾湯浸晒乾又用 南星製全上 辰砂飛五錢

射香五分 鈎藤 牛黃二錢 蟬退 茯神

桔梗各五錢 右末煉蜜為丸芡實大每服一九

灯心湯下

蟬花散 治痘發熱發痒抓破

蟬退 地骨皮各一兩 為末每服二三匙白酒

服二三次

回漿散 治痘不收漿結痂